

XXIII. Porrò ex Tridentina sanctione *Sess. XXIV, Ref. cap. 16*, Capitulum sicuti pro cura bonorum Ecclesiæ temporalium unum, aut duos Æconomos constitutæ necessum est, qui interim memsam procurent episcopalem: ita ad jurisdictionem exercendam Vicarium, sive Officialem constituere adigitur, qui *Capitularis* dicitur, quod a Capitulo eligatur. Quum enim experientia satis compertum sit, in regimine sive ecclesiastico, sive politico parum feliciter res procedere, ubi unius non sit negotia curandi arbitrium; hinc rectè primum ecclesiastica antiquissima consuetudine, dein et jure Tridentino mos inductus est, ut potestas capituli nonnisi ab uno Vicario unius Prælati vices gerente administretur: *Trident. Sess. XXIV, Ref. cap. 16*.

XXIV. Tempus præfinitum Capitulo constituendi Vicarium Capitularem est octiduum: quo dilapo ad Metropolitanum ejus electio devolvitur. Et si Ecclesia ipsa Metropolitana fuerit, vel exenta, tunc antiquior Episcopus ex suffraganeis in Metropolitana, et propinquor Episcopus in exenta vicarium constituit: *Trid. Sess. XXIV, Ref. cap. 16*. Verùm Canonicis intra octiduum Vicarium constituere negligentibus, re integra, potest mora benè purgari; et rata habebitur electio, quām iisdem ipsis tandem, antequam Metropolita, vel alius negligentiam Capituli supplererit, concluserint. Tum ubi contigerit Ecclesiam Metropolitanam una cum suffraganea vacare, electio Vicarii suffraganei non ad antiquorem suffraganeum, sed ad Capitulum Metropolitanum spectabit. *Benedictus XIV, Lib. II, de Syn. Diocesis. Cap. IX, num. 1*.

XXV. Postremo negligente Metropolita, aut antiquiore, vel proximiore suffraganeo, Romanus Pontifex, vel Sacra Congregatio Episcoporum constituit Vicarium; eique modo ampliores, modo limitatas mandat facultates pro lubito. Quinimmo Vicarius Episcopo aliqua de causa ab Sede Apostolica datus, is adhuc mortuo Episcopo munus idem obibit: tunc enim ob reverentiam Supremæ Sedis locus non datur electioni Vicarii Capitularis: *Sixtus V. Constit. CXVII*, et *Benedictus XIV, ibidem Cap. X, num. 9*.

XXVI. Vicarius Capitularis ex Canonicis, si qui inter eos sint Doctores, Licienciati, Jurisve-Consulti, est eligendus. *Trident. eod. Cap. 16*. At non vetantur Canonici postremum Episcopi defuncti Vicarium eligere, vel, ubi Doctores in Capitulo deficiant, extraneum constituere, nisi aliquem de gremio, quoad fieri poterit, idoneum eligere maluerint: *(**) S. Congregatio Concilii 9. Septemb. an. 1594. (*)*

CAPUT VIGESIMUM.

DE DIGNITATIBUS, PERSONATIBUS, ET OFFICIIS.

I. Dignitatis, Personatus, et Officii vocabula licet aliquando promiscue usurpentur: *Cap. 8, de Constitutionibus*: attamen revera inter se sunt distincta. Dignitas enim amplitudo quædam est, sive præminentia: cui administratio, et jurisdictione est adjuncta: *Leg. XIV, Dig. de Muneribus, et honoribus*. Personatus est honor nullam habens comitem potestatem, sive jurisdictionem, seu est jus præeundi reliquis Canonicis in Choro, et in processionibus: *Gonzalezius in Cap. 6 de Consuetudine*. Officium denique est simplex ministerium, sive nuda rerum Ecclesiasticarum administratio: *Cap. 38 de Simonia*.

II. Præcipue Cathedralium Ecclesiarum Dignitates sunt Archidiaconatus,

Archipresbyteratus, Decanatus, Primiceriatus, Cantoratus, Thesaurariatus. Ecclesiæ Collegiate plerumque Præpositum habent, vel Primicerium. Porrò dignatum non idem ordo est, et numerus in omnibus Ecclesiæ Cathedralibus. Atque adeo Primiceriatus, Cantoratus, et Thesaurariatus pro diversis Ecclesiarum institutionis Dignitates sunt, Personatus aut etiam meri Canoniciatus. In plerisque Cathedralibus primam dignitatem obtinet Archidiaconus; et in nonnullis Archipresbyter. Nec desunt Cathedrales, in quibus Decanus præ ipso Archidiacono primam honoris prærogativam habent. Igitur ex diversis Ecclesiarum moribus, ac præcipliis ex fundationibus, et numerus dignitatum metiendus, et ordo constituendus.

III. Dignatum, et Officiorum origo potissimum ex instituta, atque instaurata communis Clericorum vita est educenda. Tunc enim opus fuit, et iis, qui præsenter, et iis qui propriis Clericis curam impenderent, tum demum et iis, qui bona administrarent, ac tuerentur. Munia haec sive officia plerumque nonnisi mera erant ministeria, sive delegationes, quæ ab Episcopis pro arbitrio conferri, admivis possent. Verùm dissociata communis Clericorum vita, singulisque officiis suis constitutis redditibus, delegationes illæ non solum in beneficia, sed et in dignitates degenerarunt, et quidem perpetuas, et irrevocabiles cum jurisdictione, ac potestate singularis iisdem propria. Adeout qui eas semel esset consecutus, iisdem expoliari nequirit, nisi gravioribus quibusdam de caussis, iisdemque in jure expressis. Atque hinc primum dignitatem in Capitulis emiserunt: quibus aliæ novis foundationibus accessere. Verùm ex posterioris ævi moribus omni fere ecclesiastica jurisdictione ad Episcopum revocata, Dignitates sive Cathedralium, sive Collegiarum præter primas in Choro Sedes, aliaque honorifica jura nullam obtinent potestatem; unde Dignitates inane, ac ventosæ a Doctoribus adpellari consueverunt: *Fagnanus in Caput Ad hæc de Prebendis num. 22*.

IV. Capituli Neapolitani veluti prærogativa est nullam habere dignitatem. Solus Primicerius, veluti primus reliquos antecedit, ex ipsorum tamen Canonorum indulgentia; et Cimeliarcha, qui Thesaurario respondet, non modò unus est ex primario Canonicorum præbendariorum ordine, sed Præfectus etiam est Collegio Hebdomadariorum, baculoque utitur argenteo manubrio ornato in processionibus, aliisque functionibus, quas soli peragunt Hebdomadarii, in jurisdictionis, et præminentiae signum cum prærogativa suffragii in eorum comitiis.

*(**)* V. In Hispania Dignitatibus fere omnibus antiqua quoque jura periisse, at non desunt, que jurisdictionem pristina fortè ampliorem obtinent, uti Archidiaconatus Birviesensis in Ecclesia Burgensi, Archipresbyteratus Agerensis in Catalonia, Decanatus Tudelensis in Navarræ Regno. *(*)*

§ I.

DE ARCHIPRESBYTERO.

VI. Non omnes Presbyteros, qui pluribus Presbyteris præsenter, at eos dumtaxat, qui omnibus Diocesibus Presbyteris essent præpositi, antiquitus dictos Archipresbyteros docet *Morinus Part. III, Exercit. XVI, cap. 2*. Parochi enim, quibus suæ Parochiæ Presbyteri superant, non Archipresbyteri, sed dumtaxat Presbyteri Cardinales adpellabantur.

ARCHIPRESBYTERI ORIGO.
§ II.

VII. Quod ad hujus Ecclesiastici munieris originem spectat, sanè per antiquam ejus institutionem discimus ex S. Hieronymo Epist. ad Rusticum: *Singuli, inquit, Ecclesiarum Episcopi, singuli Archipresbyteri, singuli Archidiaconi &c.* (**) cui adde Syn. Emeritens. *Can. X.* (*) ubi observandum, unum in unoquoque Episcopatu Archipresbyterum fuisse, cui omnes Presbyteri tam urbani, quam rurales subjiciebantur.

VIII. Archipresbyteri dignitas antiquitus in Ecclesia num pro ætate, et antiquitate ordinationis, an verò pro personarum merito delata sit, quæstio est inter eruditos. Porrò non eadem hac in re videtur fuisse Græcæ, ei Latinæ Ecclesiæ disciplina. In Latina enim ea religiosissimè lex custodiebatur, ut seniores junioribus præferrentur. Et sanè Leo Papa in Doro Episcopo Beneventano graviter offendit, quod primum ante alios honoris gradum Epicarpio Presbytero recens ordinato detulerit: quo facto Presbyterii ordinem turbatum scribit.

IX. At in Græca Ecclesia contrariam viguisse consuetudinem plura, quæ occurunt, exempla demonstrant. Et sanè Liberatus de quodam Proterio meminit, quem disertis verbis scribit a Dioscoro Episcopo Ecclesiæ Alexandrinæ Archipresbyterum fuisse constitutum; tum Gregorius Nacian. *Orat. XX,* de se narrat, quod Basilio volenti sibi primum inter Presbyteros locum adsignare non adquieverit. Jam verò secutis temporibus mos inolevit, ut Episcopi in Archipresbyteris constituendis non ætatem spectarent, aut ordinationis antiquitatem, sed potius simum pietatem, doctrinam, et ad munia exercenda dexteritatem.

X. Archipresbyter igitur proximè post Episcopum Ecclesiæ præstet, tanquam Presbyterorum caput, et Princeps: qua de re absente, vel ægrotante Episcopo Missæ Sacrificium offerre, Sacraenta ministrare, fontem baptismalem benedicere, infirmos, præsertim Prælatos, oleo perungere, populo ab Ecclesia dimittendo benedictionem impertiri, Archipresbyteri munia erant: *Cap. 1, 2 et 3, de Officio Archipresb. Can. I, § 12, Dist. 25.* Benedictus XIV, *Constitut.* 48, Bullarii *Tom. II.*

XI. Verùm tam ampla dignitas aucto fideli numero divisionem subinde passa est; ita ut plures in una Diœcesi Archipresbyteri essent, qui in Presbyteros extra civitatem, et clericos curam intenderent, dicti propterea *Rurales*, Archipresbytero urbano Presbyterorum solius Episcopalis civitatis cura reservata. Porrò Archipresbyteri rurales *Decani* quoque dicti sunt. Quum enim Diœceses præsertim amplè in plures cœpissent regiones, sic dictas *Decanias*, quod singulæ decem titulos complectarentur; atque usu quoque inductum esset, ut singulis decani singuli præficerentur Archipresbyteri, hinc factum, ut hi *Decani* quoque dicerentur; quippè qui presbyteris, et clericis determinatæ alicujus regionis præsent, ac eorundem curam gererent: *LXIV. Dist. 50.*

§ III.

DE ARCHIPRESBYTERIS RURALIBUS.

XII. Porrò Archipresbyteri rurales licet sint velut Pastores Pastorum, atque adeo omnium sui districtus clericorum curam agant; haud tamen horum intuitu,

DE PERSONIS.

ut ordinarii, habendi sunt, quum ejusmodi potestatem ex comissione, et delegatione Episcopi quasi jure delegato dumtaxat accipient: unde ad nutum Episcopi amovibles plerumque constituuntur, ac *Vicarii* etiam *Foranei* dici solent: tenentur tamen, utpote quibus non clericorum modò, verùm et laicorum quadam ratione cura demandata est, intra sui districtus limites residere; adhæc et suas regiones quam frequenter inviserent: qua de re a cunctis earundem clericis honor ipsis præstandus est, et obsequium. *Tanquam vigiles*, inquit Synod. Provino. Neap. an. 1699, Tit. IX, cap. 3, qui custodiunt civitatem, regiones sibi commissas obire, et perlustrare non desinunt: atque ut id cum majori diligentia, et alacritate præstare possint præcipit S. Synodus, ut a cunctis Ecclesiasticis honor ipsis, et reverentia exhibeat.

XIII. Igitur Archipresbyterorum ruralium præcipua ex jure novo munia sunt: 1. sui districtus Parochias identidem lustrare. 2. Festorum dierum cultum sedulo tueri. 3. De delictis, si quæ ab Ecclesiasticis patrentur, quamcuius Episcopum admonere. 4. Inquirere num Parochi sui munieris partes adimpleant. 5. Ad Episcopum referre, si qua scandala in Diœcesi oriuntur, aut abusus inducantur, eadem Syn. Provinc. Neap. ibidem. Qua de re nonnisi viri probatæ virtuties, et maturæ ætatis in istiusmodi officium adsumendi sunt.

§ IV.

DE ARCHIPRESBYTERO URBANO.

XIV. Archipresbyteri Urbani prærogative, et munia magis ex singularum Ecclesiæ usibus, et institutis, quam ex jure scripto metienda sunt. Illud hic dumtaxat est observandum, in eo nimirum Urbanum a Rusticanis Archipresbyteris discrepare, quod hi merum habere officium censeantur, et quidem jure delegato, ille verò Cathedralis Ecclesiæ dignitas sit, suaque munia jure habeat ordinario, quæ Episcopi arbitrio tolli, diminuque nequeant: quumque illis adensem tur Ecclesiæ munib[us], quibus cura animarum est adnexa, hinc ad eam is promoveri poterit, qui saltem 25, suæ ætatis annum attigerit, et doctrinæ fulgore, morumque integritate simul commendetur: *Cap. 7 de Electione, §. 2, Syn. Trid. Sess. XXIV, Ref. cap. 12.* (**) In Hispania quandam tertię bonorum Ecclesiæ partis ministratio Archipresbytero credita erat: Syn. Bracar. I, *Cap. VII,* alias *Can. XXIV.* (*)

§ V.

DE ARCHIDIACONO.

XV. Archidiaconus tanquam Diaconorum Princeps, et Rector adpellari quoque consuevit *Diaconus Cardinalis*: *Can. V, Dist. 93, Prior Diaconus: Cap. unic. de Scrutinio in ordine faciendo.* Per antiquam ejus institutione prodit modo laudatus Hieronymi locus, in quo idem illud observandum occurrit, quod de Archipresbytero notavimus nimirum in unaquaque Ecclesia unum dumtaxat fuisse Archidiaconum; qui mos ad nostram in omnibus fere Ecclesiis perdurat. (**) At quum Archidiaconi olim in diversis Diœcesium Pagis constituti essent, ac deinde solitarie vitæ pertæsi ad Sedis Episcopalis Ecclesiæ sese pedentem receperint,

inde est, quod in singulis fere Hispaniarum Cathedralibus plures exstant hodie Archidiaconi, qui tamen adhuc antiquos locorum titulos retinent; una excepta Pamplonensi, que ab ipsis institutionis exordio binos obtinet ejusdem Ecclesiae Archidiaconatus, Cameræ scilicet, et Tabulæ. (*)

XVI. Hujusmodi dignitatem jam inde a sui institutione non ætatis, aut antiquitatis, sed meritorum intuitu semper fuisse collatam, et plura Ecclesiastice historiæ monumenta probant, et potissimum illud Hieronymi Epist. 65, ad Evagrium: *Diaconi, inquit, eligant de se, quem industrium noverint, et Archidiaconum vocent.* Unde illud quoque patet, Archidiaconum, nonnisi ex Diaconis eligi consuevit, qui principem inter ipsos locum obtineret.

XVII. Quod autem Archidiaconi munia spectat, sicuti Diaconi generatim ministri erant Episcoporum, et Ecclesiæ, ita ille veluti præcipius erat Episcopi minister in functionibus exterioribus, præsertim temporalibus. Qua de re ipsis erat Episcopo sacra peragenti ministrare, calicem populo præbere postquam Episcopus panem distribuerat, eique in sacris concionibus præsto esse. Ipse præterea inferioribus clericis in Ecclesia ministeria dispensabat, eosque, quod et hodie viget, quum ordinarentur, ad Episcopum adducebat, atque eorum mores cognoscens, si quas inter ipsos exoriri lites sentiret, eas aut compondere satagebat, aut Episcopo indicabat. Ipsius etiam munera pars erat populo jejunia, et dies festos indicere, oblationum, aliorumque Ecclesiæ reddituum curam agere, ratamque clericis portionem erogare, pauperibus tandem, viduis, et virginibus prospicere; haud immerito igitur Episcopi manus, et oculus adpellatus: (**) *Capit. 7, de Officio Archidiac.* In Hispania Archidiaconis etiam tertiae oblationum partis ministratio credebatur: *Syn. Bracar. I, præf. Cap. VII, Secretarii Conciliorum munus quandoque exercabant: Syn. Tolet. IV, Can. IV, criminosos ad penitentiam vocabant: Syn. Cojacensis an. 1050 Cap. IV, et clericos ab Episcopo ordinandos offerebant: ead. Syn. Cap. V.*

XVIII. Jam verò munia hæc, de quibus fusiū in nostris *Antiquitatibus Christianis* agemus. Archidiaconus non tam jure suo exercebat, quām Episcopi jussu; ita ut integrum esset Episcopo eorundem exercitium etiam alteri, præsertim Archipresbytero, commitere, ut *ibidem* productis veterum testimoniis demonstrabimus.

XIX. Tam latè patens Archidiaconi potestas secutis temporibus non intra solius Cathedralis Ecclesiæ, aut civitatis Episcopalis ambitum se continuit, sed per universam sese explicuit Diœcesim; adeo ut haberetur veluti Generalibus Episcopi Vicarius, alteraque ab Episcopo dignitatem obtineret. Ex hac porro ejus potestate factum est, ut tanquam Episcopi delegatus, vel eo absente, vel Sede Episcopali vacante, episcopalem in omnes exerceret jurisdictionem, et ex jure communii tanquam judex ordinarius suos constitueret ministros, quibus illam demandaret: *Cap. 1 de Officio Archidiaconi*: id quod ad sœculum usque XII, obtinuisse videtur, ex quo tempore Episcopi Archidiaconorum potestatem tamquam sibi inviam decurtare cœperunt, atque inde paullatim Vicarii generalis dignitas emersit, de quo mox redibit sermo.

XX. Monumenta, quibus permoti nonnulli Canonistæ censem Archidiaconum jam inde ab V, sœculo in Presbyteros, atque adeo in ipsum Archipresbyterum potestatem exercuisse, supposititia sunt veluti *Cap. 1 de Officio Archidiaconi* ex Concilio Toletano. Qua de re secutis temporibus illud per abusionem irrepsisse credimus: (**) id quod indicat *Syn. Tolet. IV, Can. XXXIX alias XXXVIII*, et

sequent; (*) tum quod Archidiaconi plerumque non ex Diaconorum, sed ex Presbyterorum ordine seligerentur; tum verò præcipue quod Archipresbytero rerum tantummodo spiritualium administrationem gerente, Archidiaconus rebus sensibilibus, quibus homines magis adiciuntur, præfectus esset. Id quod deinde Gratiani auctoritate, et Decretalibus evulgatis, tanquam jure communi sanctum, habitum est; (**) quamvis falso tributum fuerit Toletano Concilio *Cap. 1, de Officio Archipresbyteri.* (*)

XXI. Synodus Tridentina non Archidiacono, sed Episcopo dumtaxat eaussas matrimoniales, et criminales disquirendas relinquit. Quo decreto et beneficiarias, et majores omnes Episcopo reservatas intelligi docent Canonistæ: Barbosa *Collect. num. 6.*

XXII. Cæterum jure novissimo Archidiaconi munus eo redactum est, ut Episcopo generalem ordinationem celebranti clericos ad ordines promovendos sistat: id quod licet in speciem tantummodo fieri videatur, non erit tamen a peccato immunit, si eos indignos judicans, Episcopo interroganti palam responderit, a se præsentes factos dignos esse, qui ordinentur: *Cap. unic. de Scrut. in ordin. faciendo.* Benedictus XIV, *de Syn. Diœces. Lib. V, Cap. III, n. 4.* *Dist.*

XXIII. Quod si autem ex locorum legibus, institutis, vel consuetudinibus Archidiaconus primam obtineat dignitatem, vel præfecturam in choro, nec levis honor illi præstabitur, nec pauca illius erunt munia. In sacris enim functionibus, et thurificatione ipsum etiam Vicarium præcedit, horas canonicas inchoandi, et a choro descendendi signum dat. Adhæc ipse Canonicos ad consilia, si quæ inter illos sint agitanda, convocat, atque, absente Episcopo, horas, viasque publicarum supplicationum indicit, tabulari, depositorumque claves, libros conclusionum, et sigillum Capituli custodit. Viatum ægrotanti Episcopo desert. Cæterum tanta hodie erit Archidiaconi auctoritas, quantam ipsi indulserit vel Episcopi mandatum, vel Ecclesiæ institutum, vel consuetudo longissima: Trident. *Sess. XXIV, Ref. cap. 3.*

§ VI.

XXIV. Vigente communi clericorum vita præter Abbates, aliosque Prælatos superiores erant quoque sic dicti *Præpositi*, qui aliquam curam sub Prælatis superioribus gerebant. *Præpositi*, inquit *Syn. Aquisgran. an. 816, cap. 139* qui quandom prioratus curam sub aliis Prælatis gerunt. Hi tales, et tam strenui sunt constituendi, qui et vitæ probabilis sint, et ea, quæ sibi injuncta sunt, fideliter, humiliterque explant.

XXV. Erant quoque et *Decani*, quos Canonici, quum communem vitam agebant, ad exemplum monachorum constituerunt, quibus interior eorum cura inceperet, quum Præpositi temporalibus negotiis intenti curam spiritualem negligenter, sæpiusque a Cœnobio abessent. Dissociata verò vita communi adhuc quidem supervenire æque *Præpositi*, ac *Decani*: verū quum illi potentia, ac redditum opulentia inflati durius Canonicos habere cœpissent, hinc pedetentim plerique in Cathedralibus, vel prorsus abrogati sunt, vel universa ipsis jurisdictione ademta: at contra nulla pœnè est Cathedralis, cuius Capitulum Decanatum, et quidem inter præcipias dignitates recensitum: non habeat. (**) Verū Innocentius III, *Lib. I, Epist. 77*, eosdem existimat fuisse Decanos et *Præpositos*, qui *Priores* quoque

dicti sunt, secundum omnium fere Hispaniorum Ecclesiarum consuetudinem. Et sanè in quibusdam Hispaniarum Ecclesiis Dignitas exstat Prioris vocabulo cognita. (*)

XXVI. Decani in Canonicos, aliosque Ecclesiæ suæ clericos potestas magis ex consuetudinibus, institutis, et privilegiis, quam ex jure haurienda est. Verùm ubi Decanus est Praelatus Ecclesiæ Collegiatæ de jure habet jurisdictionem ordinariam in Canonicos, aliosque Ecclesiæ suæ clericos: *Glosa ad cap. 6, de Sent. excomm. in VI.* Cæterum quæcunque Decani fuerit potestas, ea non contentiosa, sed correctoria, uti Canonistæ loqui amant, tantummodo esse intelligitur, nisi contraria consuetudine, aliave speciali titulo contentiosam quoque jurisdictionem sibi vindicet; (**) qualem obtinere videtur Decanus Tudelensis in Navarra. (*)

§ VII.

DE CANTORE, SIVE PRIMICERIO.

XXVII. Qui in titulis Decretalium *Primicerius* dicitur, idem pænè est, ac qui hodie *Cantor* adpellari solet: dictus quidem Primicerius, tum quia primus inter Canonicos gradum obtinebat; (**) Primicerius enim idem est, ac qui primus inscribitur in Cera, seu Tabala cerata: *Horat. Lib. IX, Sat. 5, et Jul. Cæsar Cap. LXXXIII.* (*) Tum verò, et præsertim, quia in Cantoribus instituendis, et ad cantum in choro ducendis ejus cura versabatur: inde et aliquando *Præcentor* dictus.

XXVIII. Cantoris, sive Primicerii officium est chora præsse, ut divina officia graviter, et ordinate Altissimo persolvantur. Unde risus cohibere, et colloquia, silentium indicere, curare ne quis nimium in psallendo festinet, aut tardet, aliaque hujus generis Cantoris omnino munia sunt. Atque hinc in quibusdam Cathedralibus usu receptum est, ut in suæ potestatis argumentum in festis sollemnioribus baculo argenteo utatur, quem *baculum Cantorale* vocant. (**) In Hispania Primicerii dicti sunt quoque Primiceri, quasi primi inter clericos, eisque commenda est distributio tertie partis oblationum inter Subdiaconos, et Clericos, prout unumquemque viderant Sacris obeundis ministeriis addictum: *Syn. Emeritens. Can. XIV.* Unde non parum illis honoris obvenit, adeoque in Conc. Tolet. VIII, Siriculu, seu Silicono datum est post Archipresbyterum, ante Episcoporum Vicarios subscrivere (*).

(**) XXIX. Præcentor, qui successisse dicitur Primicerio, in Hispania ut plurimum vocatur gallico sermone *Chantre*, et nonnunquam etiam *Cupiscol*, quasi *Cappud Scholæ* seu cœtus Cantorum, ut adparet in Actis Conventus Episcoporum apud Urgellum an. 1040, quibus subscrivit Raymundus Levita, et *Caput Scholæ*: apud Aguirre *Tom. IV*. Ad ipsum spectabat instituere Subcantores, et congruam ipsis pendere alimoniam, præcinere in sollemnioribus antiphonas, et lectiones in choro recitaturis invitare: *Leg. V, Tit. XI, Partit. I*, quin et in quolibet Sabbato Tabulam in choro præfigere, descriptis in ea illorum nominibus, a quibus sequentis hebdomodæ officia peragenda erant: *Synod. Compostell. an. 1565, Action II, Decr. 18*. At nunc spectanda uniuscujusque Ecclesiæ consuetudo. (*)

§ VIII.

DE SCHOLASTICO.

XXX. Vigente communi Clericorum vita haud raro pueri a parentibus Episcopis offerebantur, ut iisdem ducibus, ac magistris paullatim ad vitam clericalem instituerentur. Jam verò Episcopo gravioribus Ecclesie negotiis distento, ex ipsis in communi degentibus Clericis probatissimus aliquis seligebatur, qui pueros, et adolescentes in bonis moribus, vitæque sanctitate erudiret. (**) Ad rem *Syn. Toledo II, Can. I, De his, quos voluntas parentum.... Clericatus officio manciparit, statuimus, ut mox quum detonsi fuerint.... in domo Ecclesiæ sub Episcopali presentia a Præposito sibi debeant erudiri*. Expressiū *Syn. Tolet. IV, Can. XXIV*, alias *XXXIII*, ad cuius normam S. Isidorus quoddam in Hispalensi Ecclesia Collegiū pueris instituendis erexit, unde Ildephonsus, et Braulio, aliique pietate, et doctrina insignes prodierunt. Hæc antiqua Hispaniæ nostræ Collegia, e profunda educere oblitione proculdubio cogitans *Syn. Trident.* decrevit *Sess. XXIII, Ref. cap. 18*, ut in unaquaque Ecclesia Cathedrali constituantur Seminaria, ubi pueri a duodecim ætatis annis, divites propriis sumtibus, pauperes Seminariorum sumtibus simul conviventes, Ecclesiasticis erudiantur disciplinis, unde Episcopus probatissimos seligere possit Ecclesiæ ministros. Consonat *Syn. Toletan.* an. 1565, *Act. III, Ref. cap. 27*, *Philipps II, et III, Leg. LIV, LXII, n. 2, Lib. II, Tit. IV, Novæ Recop.* et *Philipps V, Adnotat. 12, ejusd. Lib. ac Tit. Autos Acordados* Episcopos voluit a Supremo Castellæ Senatu commoneri, ut Seminaria erigere curarent; eisdemque Rom. Pontifices Seminariorum erectionem commendarunt. (**) Porrò hujusmodi vivendi ratione exoleta, quum scholæ Cathedralibus, et Collegiatis adnexæ adhuc permansissent, hinc mos quoque perduravit, ut unus e Clero earundem curam ageret, qui hodie *Scholasticus*, et interdum *Scholarachus* nuncupatur. Ejusmodi munus, quod olim simplex erat officium, sensim in Beneficium abiit: (**) id quod constituit *Syn. Lateran.* an. 1162, *cap. 1, de Magistris*, dein *Lateran. IV, sub Innocentio III, an. 1215, Can. XI*, ac postrem *Lateran. V, Sess. IX, sub Leone X, in Decr. Reformat.* Curia 7, Maii. an. 1514. (*) Quinimmò in quibusdam Ecclesiis ad dignitatis gradum evectum est: quamobrem ab hominibus vix sibi regendis idoneis ambiri cœpit, qui dignitate, et proventibus potiti proprium exequi munus negligerent. Huic pravo usui ut prospiceret Tridentinum *Sess. XXIV, Ref. cap. 12*, sanxit, ut dignitates hujusmodi nonnisi Doctoribus, vel Magistris, aut Licentiatis in Sacra pagina, vel in jure Canonico, et aliis personis idoneis, qui per se ipsos id munus explere possent, conferantur.

XXXI. Scholasticus igitur tenetur ipse per se curare, ut nonnisi probi, et dociti ad adolescentes erudiendos, et informandos constituantur: adhæc et frequentes scholas invisere, ut cognoscat, num juventus tam in literis, quam in pietate ritè instituatur, et proficiat. (**) In Hispania Salmantinus Scholasticus, et Oscensis, qui communī loquendi modo *Magister Scholarum* adpellatur, amplissimis potitur prærogativis, et ordinariam exercet jurisdictionem in adolescentes albo studentium adscriptos: *Videsis Leg. XVIII, XIX, et XX, Tit. VII, Lib. I, Novæ. Recop.* (*)

§ IX.

DE THESAURARIO.

XXXII. Qui sacra vasa, et pretiosas Ecclesiæ supellectiles custodit a Græcis Cimeliarcha dictus a Latinis *Thesaurarius*, maximæ, in Ecclesiis, præsertim Orientalibus, dignitatis, et auctoritatis fuisse ex Justiniano discimus, qui *Viri Reverendissimi* titulum, quo tunc Episcopi distinguebantur, ipsi tribuit: *Leg. fin. Cod. de Bonis auct. Jud possid.* In Ecclesiis etiam Occidentalibus jam inde ab Innocentio III, æstate inter dignitates fuisse recencitum patet ex *Cap. 32 de Offic. et potest. Jud. Deleg.* Quinimmò ipse Innocentius *Lib. I, de Regest. Epist.* 176, Sacristam, qui Thesaurario respondet, dignitatis titulo decoraverat.

XXXIII. Moribus hodiernis Thesauraria, vel simplex officium est, vel Beneficium, vel Dignitas. Verùm ex quo Dignitates Cathedralium, uti modo ex Barbosa notavimus, inane aliquid evasere, in Thesauraria Officium a Dignitate separatum est, adeo ut uni, qui propriè dicitur Sacrista, vasorum, utensilium, reliquarum oblationum, aliorumque hujus generis cura demandetur; alteri dignitatis prærogativa inter Canonicos tribuatur, nulla verò jurisdicō. In Ecclesia Neap. ut alibi observavimus, Cimeliarcha non modo unus est ex primario Canonicorum Præbendariorum ordine, verùm et Hebdomadariis præest.

§ X.

DE CANONICO THEOLOGO.

XXXIV. Concilium Lateran. IV, sub Innocentio III, dua nova officia constituit, scilicet *Theologum* (**) mercedem conductum temporaria, (*) et *Pœnitentiarium*. Ac primo sanxit, ut unaquæque Metropolitana Ecclesia Thelogum habeat, qui Sacerdotes, aliosque Clericos sacras Scripturas doceat, et in his præsertim informet, quæ ad curam animarum pertinent. (**) Id quod jam prius sanxerat Syn. Lateran. III, sub Alexandro III, dein Lateranens. IV. *Can. XI*, tum Basileensis *Sess. XXXI* de Collat. Benefic. § 2, ac postremò Lateran. V, *Sess. XI*, Constit. *Primitiva illa* Canonicum Theologum in singulis Ecclesiis Cathedralibus, ac Metropolitanis decrevit, institui. (*) Hoc saluberrimum decretum Synodus Tridentina non modo firmavit, verùm et id in cæteris Cathedralibus Ecclesiis, atque etiam Collegiatis in aliquo insigni oppido existentibus omnino servandum constituit. Tum adjunxit, ut ubi nulla Præbenda huic officio deputata reperiatur, Præbenda quomodocumque præterquam ex caussa resignationis, primo vacatura ad eum usum ipso facto perpetuo constituta, et deputata intelligatur.

XXXV. Theologalem Præbendam nonnisi prævio concursu conferendam Constitutione *Pastoralis* an. 1725, motu proprio edita jussit Benedictus XIII. Tum methodum in concursu super textu sacro servandam præscripsit.

XXXVI. Quibusnam diebus lectio Theologalis habenda sit expresse non edidit Syn. Trident. Verùm qua hora, quibusve diebus; tum super qua Sacrae Scripturæ libro prælegendum sit, arbitrio Ordinarii relictum voluit Sacra Congreg. apud Garciam de Beneficiis *Part. III, cap. VII, n. 155.* (**) At Lateran. V, cui potissimum adscribi debet hujus Præbendæ institutio, singulas saltem lectiones

DE PERSONIS.

369

per hebdomadam Canonico Theologo habendas præscribit loco laud. et decernit, ad id adstringi posse a Capitulo per subtractionem fructuum totius hebdomadae. (*)

(**) XXXVII. Hanc a Tridentino latam sanctionem pro Sacrae Scripturæ Lectore renovavit Syn. Tolet. an. 1565, *Act. II, Ref. cap. 28*, id adjiciens, ut non aliis quam Licentiatis, Doctoribus, aut Magistris in Sacra Theologia, neque aliter quam prævio concurso ejusmodi Præbenda conferatur. Addesis Compostellana ejusd. an. *Act. II, Decret. 34*, Methodum præterea constituit eadem Syn. Tolet. *ibid.* ut Lectores (ita in Hispania adpellantur) facilius discipulorum mentes sacris doctrinis imbuant. Tum et hortatur eadem *Sancta Synodus Canonicos juniores, et alios Ecclesiæ Cathedralis Ministros, necnon et quoscumque civitatis, vel oppidi Clericos.... ut Lectorem sic prælegentem audiant, quo et animos divinis studiis excolant, et exerceant, atque ab otio, quod multorum malorum caussa esse solet, removeantur.* Postremò ipsa Syn. Tolet. *præf. capit. ad quotidianum docendi pensum Lectoralem adigit.* Compostellana verò eadem *Act. II, Dccret. 36*, statuit, quod teneatur omnibus profestis diebus lectionem publice legere loco et tempore ab Episcopo designando. Et *Decr. 39*, diem Jovis, et totos Julii, Augusti, et Septembri dies excipit, atqui *ibid* jure optimo solvitur ab onore choro interessandi dum legit, præterquam ad *Missam Majorem*. (*)>

§ XI.

DE CANONICO PŒNITENTIARIO.

XXXVIII. Theologo suppar est Pœnitentiarius. Eadem enim Lateran. Synodus *Can. X* sanxit, ut tam in Cathedralibus, quam aliis Conventualibus Ecclesiis viri idonei ordinarentur, quos Episcopi possent coadjutores habere in confessionibus audiendis, et pœnitentiis injungendis. Episcopi igitur quosdam ex Sacerdotibus seligere cœperunt, quibus criminum quorundam absolutionem reservarunt: in ordinariis enim suo quilibet Parochio confitebatur. (**) Hujus igitur Pœnitentiarii originem ab ipso Decianæ persecutionis tempore repetere possumus, ex Socrate *Lib. V Cap. 19.* (*)

XXXIX. Verùm licet singularis iste Confessarius designatus esset; nemo tamen vetabatur, quin Episcopum adire, eique suam conscientiam pandere posset: qua de re quum tunc temporis frequentiores ad Episcopum confluerent, Episcopi presbyterum prudentia, ac pietate præstantiorem eligere instituerunt, ad quem, veluti ad alterum Episcopum, omnibus pateret accessus, quemque *Confessarium*, aut *Pœnitentiarium generale* nuncupavere. Hunc porrò tum inferiores Confessarii, et Pœnitentiarii in casibus dubiis consulere poterant, tum ad eum, tanquam ad Episcopum, graviorum criminum absolutio, et pœnitentiæ impositio referebantur.

XL. Pœnitentiarii officium a Decreto Lateranensi inductum Synodus Tridentina non modo probavit, verùm et eidem præbendam proximè vacaturam adfixit. Præcepit verò, ut sit Magister, vel Doctor, aut Licentiatus in Theologia, vel Jure Canonic, et annos quadraginta natus, nisi aliter pro locorum diversitate utilitas, vel necessitas postulaverit. Hic autem juxta Tridentinum, dum pœnitentium in Ecclesia excipit confessiones, in choro adesse censemur, æque ac si reipsa ibi præsens esset. Tandem ex modo indicata Benedicti XIII. Constitutione Pœni-

tentarii munus nonnisi prævio concursu conferendum est; alias irrita habetur collatio. *(hoc valeat pro statia et iuris ad concubitorum)*

XLI. Pœnitentiariam, æque ac Theologum, nullam in Capitulo habere potestatem, neque inter dignitates, sed inter canonicos servato collationis, possessionis que antiquioris ordine sedere decrevit S. Congregatio Concilii an. 1699. At alii cubi dignitatem ex fundatione, vel statuto obtinere testatur Espenius *Part. I, Tit. XII, cap. III, num. 13.*

XLII. Pœnitentiarius licet vi sui officii in confessionibus audiendis sit veluti Vicarius natus Episcopi, atque adeo a jure facultatem habeat audiendi confessiones pœnitentium totius Diœcesis, et jurisdictionem absolvendi a peccatis, sitque veluti Ordinarius Diœcesis confessarius; attamen ex veriori sententia non habet potestatem alios delegandi, neque etiam ad unum tantum reservatum, sive ad ministerium. Ita S. Congregatio Concilii an. 1597 et Syn. Diœces. Neap. Cantelmi *Part. II, cap. VI, num. 28.* *(**)* Immo ordinariam non esse Pœnitentiarii facultatem, sed ab Episcopo delegatam, declaraverat mox laud. Syn. Compostellana *Act. II, Decr. 38* quām scilicet si *ipso Episcopo visum fuerit, absque ulla exterioris judicij forma aut strepitū limitare, aut penitus rerocare possit.* Tum et in eod. Decreto Pœnitentiarii munia adcuratè describit; eumque *Decret. 39,* a chori interessentia eximit quandiu suo fungitur officio; denique eidem *Decret. 37.* Visitatoris et Provisoris munus adsummere interdicit. *(*)*

§ XII.

*(**) DE CANONICO MAGISTRALI. (*)*

*(**) XLIII.* Quum saepius laud. Concilium Lateran. IV nedum *Sess. XI.* Magistrum ad informandos in Grammatica Clericos ac pauperes, et Theologum, qui Sacerdotes in Sacris exponendis Litteris instrueret, sed et in unaquaque Ecclesia Cathedrali quendam veluti Episcopi Vicarium instituendum decreverit *Sess. X* cuius nomine et fidelibus verbum Dei ministraret, et eorum exciperet confessiones, in de duæ emanarunt Præbenda sic dictæ de *Officio, Pœnitentiaria,* de qua supra, et Magistralis ad Evangelium populo adnunciandum. Non tamen videtur Præbenda hæc recens inventa in Hispaniæ Cathedralibus, immo ejus origo ad Concilium Matritense anni 1473 referenda videtur. Eadem etiam Syn. Compostellana *Act. II Decret. 35* ita sanxit: *Qui Magistralem Præbendam, hoc est Predicatori adsignatam obtinuerit, tenebitur omnibus his diebus sermonem habere ad populum, qui vel confirmatis ab Episcopo statutis Ecclesiae, vel antiqua consuetudine jam sunt prescripti, et insuper quando ab Episcopo ob rationabilem caussam occurrentem, in Ecclesia Cathedrali, seu in alia ejusdem civitatis ipsi fuerit peculiariter injunctum.* Vel quoties Episcopus illi id muneris injuxerit, ut constituerat Syn. Tolet. *Act. III, Ref. cap. 4,* statuta in illum pœna pecuniaria arbitrio Episcopi Ecclesiæ fabricæ adPLICANDA, cum onere itidem substituendi alium ejus expensis concionatorem. Adhæc decreverat *ibid. ead.* Syn. Tolet ut Dignitates omnes, et Canonici, Magistralis interessent prædicacioni sub amittendi distributionem pœna. Et ut debitè suum posset exsequi munus octo dies absentia pro uniuscujusque concionis efformatione indulgebat præf. Syn. Compostell. *Act. II Decret. 39.* At diversa sunt hodie statuta, vel consuetudines. *(*)*

§ XIII.

*(**) DE CANONICO DOCTORALI. (*)*

*(**) XLIV.* Hujus, sicuti et Magistralis Præbendæ institutio a Concilio Matritensi repetenda videtur, ubi inter alia id constitutum est, quod Sedis Apostolicæ auctoritate bini instituerentur Canonicatus, quorum alter Theologo, alter Jurisperito obveniret. Vides Aguirre *Tom. IV* ante Concil. Arandense; quem quia Doctorali esset laurea donatus Canonici Doctoralis adpellatione decorarunt. Quæ tamen munia huic Canonico adsignaverint Ecclesie, minutum recenset saepius laud. Syn. Compostell. *Act. II Decret. 35.* *Qui Doctorali Præbenda potest, teneatur in omnibus negotiis ad Ecclesiam Cathedram pertinentibus sententiam suam verbo, aut scripto, prout requisitus fuerit, adferre, atque in eisdem patrocinari.* Ad idem teneatur in caussis, quæ ad Dignitatem Episcopalem spectant, dummodo inter Capitulum, et Episcopum non controvellantur; tunc enim suo Capitulo adesse honestius erit. Erit etiam sui muneris, quum ab Episcopo, vel Capitulo ad id requisitus fuerit, judicem in ea civitate ubi est Cathedralis Ecclesia commorantem adire, de caussis et negotiis Capituli, vel Episcopi modo supradicto verbo, aut scripto, quum opus fuerit, instruere, omni excusatione remota, quod tamen urgenti necessitate injungi debet, atque hæc quidem omnia gratuito. Quocirca quum sese ad suam aperiendam sententiam recipit, si verbo, per duos, si scripto per quatuor dies a chori interessentia dispensatur *Decret. 39.* Verum alia sunt etiam Doctoralis munia juxta diversa Ecclesiarum statuta, et consuetudines. *(*)*

*(**) XLV.* Præbenda hæc, que uti Magistralis libere quondam conferebatur, post Tridentinum verò nonnisi prævio concursu collata est, quemadmodum, et reliquæ de *Officio.* Id etiam præscribitur in Concordato an. 1753 art. 2 et concursus forma constituitur, quæ ab eadem Syn. Compostellana *Act. II Decret. 34* desumpta videtur. *(*)*

CAPUT VIGESIMUM PRIMUM.

DE VICARIO GENERALI EPISCOPALI.

I. Ex diminuta Archidiaconi potestate paullatim consuetudo invaluit, ut Episcopi in præcipuis sui muneris adimplendis partibus alteri cuidam Clerico, velut vices committerent suas, qui propterea et Officialis, et Vicarius Generalis dictus est. Quum enim Archidiaconi sua potestate ita abuti cœpissent, ut nonnumquam in ipsis insurgerent Episcopos, profecto exorbitans hæc, et ultra modum crescens ambitio Episcopos tandem movit, ut de ea cohibenda, ac delenda cogitarent. Ut autem ministros haberent, per quos suam exercere jurisdictionem possent, Archidiaconis Vicarios substituerunt; quorum mandata quum pro lubito revocare possent, minus ab ipsis, quām ab Archidiaconis, sibi metuendum crediderunt.

II. Verum hanc consuetudinem nonnisi sœculo XIII primum obtinuisse ex eo conficit Thomassinus *Part. I, Lib. II, cap. 8,* quod nec Gratiani Decretum, nec Collectio Gregoriana Vicariorum Generalium meminerint: quorum originem Con-